

四庫全書

子部

欽定四庫全書

冊府元龜卷三百四十九 宋 王欽若等撰

將帥部

立功第二

後漢耿弇建武初以建威大將軍與驃騎大將軍景丹
彊弩將軍陳俊攻厭新賊於敖倉皆破降之三年延岑
自武關出攻南陽下數城穰人杜弘率其衆以從岑弇
與岑等戰於穰大破之斬首三千餘級生獲其將士五

千餘人得印綬三百杜弘降岑與數騎遁走東陽四年
與建義大將軍朱祐漢忠將軍王常等擊望都故安西
山賊十餘營皆破之五年與大司馬吳漢擊富平獲索
賊於平原大破之降者四萬餘人因詔奔進討張步奔
悉收集降卒結部曲置將吏率騎都尉劉歆泰山太守
陳俊引兵而東從朝陽橋濟河以度朝陽縣名屬濟南郡攻祝阿
臨淄皆拔之令軍中毋得妄掠劇下須張步至乃取之
以激怒步步聞大笑曰以尤來大槍十餘萬衆吾皆即

其營而破之今大耿兵少於彼又皆疲勞何足推乎乃
與三弟藍弘壽及故大槍渠帥董異等兵號二十萬至
臨淄大城東將攻弇弇先出淄水上與董異遇突騎欲
縱弇恐挫其鋒令步不敢進故示弱以盛其氣乃引歸
小城陳兵於內步氣盛直攻弇營與劉歆等合戰弇升
王宮瓌臺望之

臨淄本齊國所都即
齊王宮中有瓌臺也

視歆等鋒交乃自

出精兵以橫突步陳城下大破之飛矢中弇股以佩刀

截之左右無知者至暮罷弇明日復勒兵出大戰自旦

及昏復大破之殺傷無數城中溝塹皆滿弁知步困將
退豫置左右翼為伏以待之

兩旁伏兵如鳥之翼

人定時步果引

去伏兵起縱擊追至鉅昧水上

鉅昧水名一名巨洋水在今青州壽光縣西

八九十里僵尸相屬收得輜重二千餘兩步還劇兄弟
各分兵散去後數日車駕至臨淄自勞軍弁因復追步
步奔平壽乃肉袒負斧鑕於軍門弁傳步詣行在所而
勒兵入據其城樹十二郡旗鼓令步兵各以郡人詣旗
下衆尚十餘萬輜重七千餘兩皆罷遣歸鄉里弁復引

兵至城陽降五校餘黨齊地悉平振旅還京師六年西
拒隗囂屯兵於漆八年從上隴明年與中郎將來歛分
部徇安定北地諸營堡皆下之弇凡所平郡四十六屠
城三百未嘗挫折

銚期建武元年以魏郡太守行大將軍事擊更始將卓
京於鄴城破之斬首六百餘級京亡入山追斬其將校
數十人獲京妻子進擊檀鄉五校賊於繁陽內黃復斬
數百級

祭遵建武二年以征虜將軍與驃騎將軍景丹建義大

將軍朱祐漢忠將軍王常騎都尉王梁臧宮等入箕關

南擊弘農厭新柏華蠻中賊

柏華聚名

大破之時新城蠻中

山賊張滿

新城縣名今伊闕縣

屯結險隘為人害詔遵攻拔生獲

之遵引兵南擊鄧奉弟終於杜衍破之

杜衍縣名屬南陽郡

涿郡

太守張豐執使者舉兵反自稱無上大將軍與彭寵連

兵四年遵與朱祐及建威大將軍耿弇驍騎將軍劉喜

俱擊之遵兵先至急攻豐豐功曹孟宏執豐降

宏音古弘切

諸將皆引還遵受詔屯良鄉拒彭寵因遣護軍傅玄襲擊寵將李豪於潞大破之斬首千餘級相拒歲餘數挫其鋒黨與多降者及寵死遵進定其地六年春光武遣諸將伐公孫述以遵為前行隗囂使其將王元拒隴坻遵進擊破之追至新關及諸將到與囂戰並敗引退下隴乃詔遵軍沂耿弇軍漆征西大將軍馮異軍栒邑大司馬吳漢等還屯長安自是後遵數挫隗囂

耿純建武四年以東郡太守將兵擊更始東平太守范

荆荆降進擊泰山濟南及平原賊皆平之

朱祐建武三年以建義大將軍擊新野隨皆平之

隨縣名屬

南陽郡故城在今隨州隨縣

延岑自敗於穰遂與秦豐將張成合祐

率征虜將軍祭遵與戰於東陽大破之

東陽聚名在南陽

臨陣

斬成延岑敗走歸豐祐收得印綬九十七進擊黃郵降

之四年率破姦將軍侯進代征南大將軍岑彭圍秦豐

於黎邱破其將張康於蔡陽斬之明年夏城中窮困豐

乃將其母妻子九人肉袒降祐祐還與騎都尉臧宮會

擊延岑餘黨陰鄼筑陽三縣賊悉平之

景丹建武二年以驃騎大將軍與建威大將軍耿弇建
義大將軍朱祐執金吾賈復偏將軍馮異彊弩將軍陳
俊左曹王常騎都尉臧宮等從擊破五校於葦陽聚降名
其衆五萬人

王梁建武二年以中郎將行執金吾事北守冀關擊赤
眉別校降之三年春轉擊五校追至信都趙國破之悉
平諸屯聚四年春擊肥城文陽拔之

肥城縣名屬泰山
郡文音汶故城在

兗州泗水縣西

進與驃騎大將軍杜茂擊佼彊蘇茂於楚沛間

拔大梁蓄桑

縣名或曰城名

而捕虜將軍馬武偏將軍王霸亦

分道並進歲餘悉平之

杜茂建武二年以大將軍與中郎將王梁擊五校賊於

魏郡清河東郡悉平諸營堡降其持節大將三十餘人

三郡清靜明年以驃騎大將軍擊沛郡拔芒

芒縣名復名臨睢

時西防復反迎佼彊五年春率捕虜將軍馬武進攻西

防數月拔之

馬成建武四年以揚武將軍督誅虜將軍劉隆振威將軍宋登射聲校尉王常發會稽丹陽九江六安四郡兵擊李憲圍憲於舒歲餘城中食盡乃攻之遂屠舒斬李憲追擊其黨與盡平江淮地九年代來歙守中郎將率武威將軍劉尚等破河池遂平武都

河池今鳳州縣一名仇池

劉隆建武四年以誅虜將軍討李憲平之十七年以中

郎將副伏波將軍馬援擊交趾蠻夷徵側等隆別於禁

谿口破之

交趾郡麋泠縣有金溪穴相傳音訛謂之禁溪側等所敗處也其地今岑州新昌縣也

音廢冷
音零

獲其帥徵貳

徵側
之妹

斬首千餘級降者二萬餘人

傅俊建武三年以積弩將軍與征南大將軍岑彭擊破

秦豐因將兵徇江東揚州悉定

堅鐔建武元年以揚化將軍與諸將攻雒陽而朱鮪別

將守東城者為反間私約鐔晨開上東門

上東門雒陽
故城東面北

頭第一門

鐔與建義大將軍朱祐乘朝而入與鮪大戰武庫

下

雒陽建始殿東有大倉
倉東有武庫藏兵之所

殺傷甚衆至旦食乃罷朱鮪

繇是遂降又別擊內黃平之

馬武建武四年以騎都尉與虎牙將軍蓋延等討劉永
武別擊濟陰下成武楚丘拜捕虜將軍明年龐萌反攻
桃城武先與戰破之

李通建武六年以前將軍領破姦將軍侯進捕虜將軍
王霸等十營擊漢中賊公孫述遣兵救通等與戰於西
城破之

王常建武二年以漢忠將軍北擊河間漁陽平諸屯聚
五年秋攻拔湖陵又別率騎都尉王霸共平沛郡賊

苗虛

也 七年為橫野大將軍別擊破隗囂將高峻於朝那縣名

屬安定郡 囂遣將逼烏氏常要擊破之轉降保塞羌諸營壁

皆平之九年擊內黃賊破之

來歙建武八年以中郎將與征虜將軍祭遵襲隗囂之略陽遵道病還分精兵隨歙合二千餘人伐山開道從

番須回中

番音盪番須回中並地名

徑至略陽

徑直也

斬隗囂守將金

梁因保其城及隗囂平詔歙率征西大將軍馮異建威大將軍耿弇虎牙大將軍蓋延揚武將軍馬成武威將

軍劉尚入天水擊破公孫述將田弇趙匡明年攻拔落

門

名聚

隗囂之黨周宗趙恢及天水屬縣皆降歛又率蓋

延劉尚及大中大夫馬援等進擊羌於金城大破之斬
首虜數千人獲牛羊萬餘頭穀數十萬斛

竇融建武六年以河西大將軍率諸郡守將兵入金城
初更始時先零羌封何諸種殺金城太守居其郡隗囂
使使賂遺封何與其結盟欲發其衆融等因軍出進擊
封何大破之斬首千餘級得牛馬羊萬頭穀數萬斛因

並河揚威武

並音蒲浪切

伺候車駕時大兵未進融乃引還

王霸建武八年以討虜將軍屯函谷關擊滎陽中牟盜

賊皆平之十年與吳漢等四將軍六萬人出高柳擊賈

覽詔霸與漁陽太守陳訢將兵為諸軍鋒匈奴左南將

軍將數千騎救覽霸等連戰於平城下破之追出塞斬

首數百級

張宗為大中大夫建武八年潁川桑中盜賊羣起宗將

郡兵擊定之後青冀盜賊屯聚山澤宗以謁者督諸郡

兵討平之十六年琅邪北海盜賊復起宗督二郡兵討之乃設方略明購賞皆悉破散於是沛楚東海臨淮羣賊懼其威武相捕斬者數千人青徐震慄

劉尚建武九年以武威將軍從征西大將軍馮異入天水擊公孫述將田弇等明年與中郎將來歛擊羌於金城大破之十八年夷渠帥揀蠡與姑復櫟榆楛棟連然滇池建伶昆明諸種反叛殺長吏益州太守繁勝與戰而敗退保朱提十九年遣尚發廣漢犍為蜀郡人及朱

提夷合萬三千人擊之尚軍遂度瀘水入益州界羣夷聞大兵至皆棄壘奔尚獲其羸弱穀畜二十年進兵與揀蠶等連戰數月皆破之明年正月追至不韋斬揀蠶帥凡首虜七千餘人得生口五千七百人馬三千匹牛羊三萬餘頭諸夷悉平

馬援建武十一年以隴西太守發步騎三千人擊破先零羌於臨洮斬首數百級獲牛馬羊萬餘頭守塞諸羌八千餘人詣援降諸種有數萬屯聚寇鈔拒浩疊隘援

與揚武將軍馬成擊之羌因將其妻子輜重移阻於允
吾谷援乃潛行間道掩赴其營羌大驚潰復遠徙唐翼
谷口援復追討之羌引精兵聚北山上援陳軍向山而
分遣數百騎繞襲其後乘夜放火擊鼓叫譟虜遂大潰
凡斬首千餘級援以兵少不得窮追收其穀糧畜產而
還十三年武都參狼羌與塞外諸種為寇殺長吏援將
四千餘人擊之至氐道縣羌在山援軍據便地奪其水
草不與戰羌遂窮困豪帥數十萬戶亡出塞諸種萬餘

人悉降於是隴右清靜十七年交趾女子徵側及女弟徵貳反攻沒其郡九真日南合浦蠻夷皆應之寇略嶺外六十餘城側自立為王於是璽書拜援伏波將軍以扶樂侯劉隆為副督樓船將軍段志等南擊交趾軍至合浦而志病卒詔援并將其兵遂緣海而進隨山刊道千餘里刊除也十八年春軍至浪泊上與賊戰破之斬首數千級降者萬餘人援追徵側等至禁谿數敗之賊遂散去明年正月斬徵側徵貳傳首洛陽又將樓船大小

二千餘艘戰士二萬餘人進擊九真賊徵側餘黨都羊

等自無功至居風

無功居風二縣並屬九真郡居風今愛州

斬獲五千餘人

嶠南悉平

援至交趾立銅柱為漢之極界也

二十五年春擊武陵五溪

蠻夷至臨鄉

屬武陵

遇賊攻縣援迎擊破之斬獲二千餘

人皆散走入竹林中

竇固明帝永平十五年以奉車都尉與騎都尉耿忠屯

涼州明年固與忠率酒泉敦煌張掖甲卒及盧水羌胡

萬二千騎出酒泉塞至天山

即祁連山也在西州交河縣東

擊呼衍王

斬首千餘級呼衍王走追至蒲類海

今名婆悉海在庭州蒲昌縣東南

明年復出玉門擊西域固遂破白山降車師

耿秉永平十七年以駙馬都尉與奉車都尉竇固合兵萬四千騎出白山擊車師後王縱兵抄掠斬首數千級收馬牛十餘萬頭後王安得震怖從數百騎出迎秉其前王亦歸命遂定車師而還章和二年以征西將軍副車騎將軍竇憲擊北匈奴大破之封美陽侯

馬防為城門校尉章帝建初二年金城隴西保塞羌皆

反拜防行車騎將軍事以長水校尉耿恭副將北軍五
校兵及諸郡積射士三萬人擊之軍到冀而羌豪布橋
等圍南部都尉於臨洮防欲救之臨洮道險車騎不得
方駕防乃別使兩司馬將數百騎分為前後軍去臨洮
十餘里為大營多樹幡幟揚言大兵旦當進羌侯見之
馳還言漢兵盛不可當明旦遂鼓譟而前羌虜驚走因
追擊破之斬首虜四千餘人遂解臨洮圍防開以恩信
燒當種皆降唯布橋等三萬餘人在臨洮西南望曲谷

十二月羌又敗耿恭司馬及隴西長史於和羅谷死者數百人明年春防遣司馬夏駿將五千人從大道向其前潛遣司馬馬彭將五千人從間道衝其心腹又令將兵長史李調等將四千人繞其西三道俱擊復破之斬獲千餘人得牛羊十餘萬頭羌退走夏駿追之反為所敗防乃引兵與戰於索西又破之

索西縣名在岷州和政縣東亦名臨洮東

城布橋迫急將種人萬餘降還拜車騎將軍

班超建初八年以將兵長史假鼓吹幢麾鎮西域

鼓吹幢麾

皆大將所有超
非大將故云假

後四年超發于寘諸國兵二萬五千人

擊莎車追斬五千餘級大獲其馬畜財物莎車遂降威
震西域永元三年以超為都護六年秋超遂發龜茲鄯
善等八國兵合七萬人及吏士賈客千四百人討焉耆
焉耆王廣尉黎王汎及北鞬支等三十人詣超降超收
廣汎等於陳睦故城斬之傳首京師因縱兵鈔掠斬首
五千餘級獲生口萬五千人馬畜牛羊三十餘萬頭更
立右侯元孟為焉耆王超留焉耆半歲慰撫之於是西

域五十餘國悉皆納貢內屬焉明年封超為定遠侯邑千戶

張紆章和元年以隴西太守代傅育為護羌校尉將萬人屯臨羌是時迷吾既殺傅育狃伏邊利復與諸種步騎七千人入金城塞紆遣從事司馬防將千餘騎及金城兵會戰於大乘谷迷吾兵敗走因譯使欲降紆納之遂將衆人詣臨羌縣紆設兵大會施毒酒中羌飲醉紆因自擊伏兵起誅殺酋豪八百餘人斬迷吾等五人頭

以祭育冢復故兵擊在山谷間者斬首四百餘級得生口二千餘人

竇憲和帝永元元年以車騎將軍與執金吾耿秉各將

四千騎及南匈奴左谷蠡王師子師子其名萬騎出朔方

遼鹿塞南單于屯屠河屯屠河單于名將萬餘騎出滿夷谷度遼

將軍鄧鴻禹少子及緣邊義從羌胡八千騎與左賢王安

國萬騎出柰陽塞柰音固在五原郡皆會涿邪山憲分遣副校

尉閻盤司馬耿譚耿夔將左谷蠡王師子右呼衍王須

訾等

今呼延姓是其後須訾名也

精騎萬餘與北單于戰於稽落山

大破之虜衆奔潰單于遯走追擊諸部遂臨私渠北鞬

海

匈奴中海名也

斬名王已下萬三千級獲生口馬牛羊橐駝

百餘萬頭於是溫犢須日逐溫吾夫渠王柳靬等八十
一部率衆降者前後二十餘萬憲與耿秉遂登燕然山
刻石勒功而還詔拜憲大將軍

耿夔永元三年以大將軍左校尉將精騎八百出居延
塞直奔北單于庭于金微山斬閼氏名王已下五千餘

級單于與數騎脫亡盡獲其匈奴珍寶財畜去塞五千

餘里而還自漢出師所未嘗至也乃封夔粟邑侯

故城在今

同州白水西北

永初三年南單于檀反畔夔以遼東太守率鮮

卑及諸郡兵屯鴈門與車騎將軍何熙共擊之熙推夔
為先鋒而遣其司馬耿溥劉祉將二千人與夔俱進到
屬國故城單于遣奠鞬日逐王三千餘人遮漢兵夔自
擊其左令鮮卑攻其右虜遂敗走追斬千餘級殺其名
王六人獲穹廬車重千餘兩馬畜生口甚衆

梁愷殤帝延平元年以西域副校尉行至河西會西域諸國反叛攻都護任尚於疏勒尚上書求救詔愷將河西四郡羌胡五千騎馳赴之愷未至而尚已得解會徵尚還以騎都尉段禧為都護西域長史趙博為騎都尉禧博守它乾城它乾城小愷以為不可固乃譎說龜茲王白霸欲入共保其城白霸許之吏人固諫白霸不聽愷既入遣將急迎禧博合軍八九千人龜茲吏人並叛其王而與溫宿姑墨數萬兵反共圍城愷等出戰大破

之連兵數月胡衆敗走乘勝追擊凡斬首萬餘級獲生
口數千人駱駝畜產數萬頭龜茲乃定二年春還至燉
煌會衆羌反叛朝廷大發兵西擊之逆詔懂留為諸軍
援懂至張掖日勒羌諸種萬餘人攻亭候殺畧吏人懂
進兵擊大破之乘勝追至昭武虜遂散走其能脫者十
二三及至姑臧羌大豪三百餘人詣懂降並慰譬遣還
故地河西郡復安懂受詔當屯金城聞羌轉寇三輔迫
近園陵即引兵赴擊之轉戰武功美陽關

縣名在武功
縣北
懂

臨陣被創不顧連破走之盡還得所掠生口獲馬畜財物甚衆羌遂奔散朝廷嘉之數置書勞勉委以西方事令為諸軍節度三年詔愷行度遼將軍事與中郎將龐雍共擊匈奴莫鞮日逐王破之

鄧遵為度遼將軍安帝元初六年秋鮮卑人馬城塞殺長吏遵發積射士三千人及中郎將馬續率南單于與遼西右北平兵馬會出塞追擊鮮卑大破之獲生口及牛羊財物甚衆

馬賢為護羌校尉永寧元年上郡沈氏種羌五千餘人復寇張掖賢與戰破之斬首千八百級獲生口千餘人牛馬羊以萬數餘虜悉降時當煎種大豪饑五等以賢兵在張掖乃乘虛寇金城賢還軍追之出塞斬首數千級而還燒當燒何種聞賢軍還率二千餘人復寇張掖殺長吏初饑五同種大豪盧忽忍良等千餘戶別留允而首施首施猶首鼠也兩端建光元年春賢率兵名盧忽斬之因放兵擊其種人首虜二千餘人掠馬牛羊十萬頭忍

良等皆亡出塞璽書封賢安亭侯食邑千戶陽嘉三年
種羌良封等寇隴西漢陽詔拜賢為謁者鎮撫諸種校
尉馬續遣兵擊良封斬首千八百級獲馬牛羊五萬餘
頭良封親屬並詣賢降賢復進擊羌且呂且呂等率諸
種十餘萬詣涼州刺史降

班勇延光二年以西域長史將兵五百人出屯柳中明
年正月勇至樓蘭以鄯善歸附特加三綬而龜茲王白
英猶自疑未下勇開以恩信白英乃率姑墨溫宿自縛

詣勇降勇因發其兵步騎萬餘人到車師王前庭擊走

匈奴伊蠡王於伊和谷收得前部五千餘人於是前部

始復開通還屯田柳中四年秋勇發敦煌張掖酒泉六

千騎及鄯善疏勒車師前部兵擊後部王軍就

軍就名也

大

破之首虜八千餘人馬畜五萬餘頭捕得軍就及匈奴

持節使者將至索班沒處斬之以報其恥

元初六年敦煌太守曹宗

遣長史索班將千餘人屯伊吾數月北單于與車師後部攻沒班

傳首京師永建元年

更立後部故王子加特奴為王勇又使別校誅斬東且

彌王亦更立其種人為王

且音子
余反

於是車師六國悉平

其冬勇發諸國兵擊匈奴呼衍王呼衍王亡走其衆二
萬餘人皆降捕得單于從兄勇使加特奴手斬之以結
車師匈奴之隙北單于自將萬餘騎入後部至金且谷
勇使假司馬曹俊馳救之單于引去俊追斬其貴人骨
都侯於是呼衍王遂徙居枯梧河上是後車師無復虜跡
城郭皆安

耿畢為烏桓校尉順帝永建二年遼東鮮卑六千餘騎

寇遼東玄菟畢發緣邊諸郡兵及烏桓率衆王出塞擊之斬首數百級大獲其生口牛馬什物鮮卑乃率種衆三萬人詣遼東乞降

張奐桓帝永壽元年為屬國都尉初到職而南匈奴左真鞬臺耆且渠伯德等七千餘人寇美稷東羌復舉種應之奐進屯長城收集兵士遣將王衛招誘東羌據龜茲共擊真鞬等連戰破之伯德惶恐將其衆降郡界以寧延熹元年鮮卑寇邊奐率南單于擊之斬首數百級

後為度遼將軍數載間幽并清靜九年春徵拜太司農
鮮卑聞真去遂招結南匈奴烏桓數道入塞或五六十
騎或三四千騎寇掠緣邊九郡殺畧百姓秋鮮卑復率
八九千騎入塞誘引東羌與共盟詎於是上郡沈氏安
定先零諸種共寇武威張掖緣邊大被其毒朝廷以為
憂復拜真為護匈奴中郎將以九卿秩督幽并涼三州
及度遼烏桓二營

明帝置度遼將軍屯五原曼柏縣漢
官儀烏桓校尉屯上谷甯縣故曰二營

兼察刺史二千石能否賞賜甚厚匈奴烏桓聞真至因

相率還降凡二十萬口真但誅其首惡餘皆慰納之唯
鮮卑出塞去永康元年春東羌先零五六千騎寇關中
圍殺裊掠雲陽夏復攻沒兩營殺千餘人冬羌岸尾靡
靡等擊音必脅同種復鈔三輔真遣司馬尹端董卓並
擊大破之斬其酋豪首虜萬餘人三州清定

段熲字紀明永壽二年以中郎將擊琅邪賊東郭賈公
孫舉等三萬人大破斬之獲首萬餘級餘黨皆降散封
紀明為列侯延熹二年遷護羌校尉會燒當燒何當煎

勒姐等八種羌

姐紫且反

寇隴西金城塞紀明將兵及湟中

義從羌萬二千騎出湟谷擊破之追討南渡河使軍吏

田晏夏育募先登懸索相引復戰於羅亭大破之斬其

酋豪以下二千級獲生口萬餘人虜皆奔走明年春餘

羌復與燒何大豪寇張掖攻沒鉅鹿塢殺屬國吏民又

招同種千餘落并兵晨奔紀明軍紀明下馬大戰至日

中刀折矢盡虜亦引退紀明追之且鬪且行晝夜相攻

割肉食雪四十餘日遂至河首積石山出塞二千餘里

斬燒何大帥首虜五千餘人又分兵擊石城羌斬首溺
死者千六百人燒當種九千餘口詣紀明降又雜種羌
屯聚白石紀明復進擊首虜三千餘人冬勒姐零吾種
圍允街殺畧吏民紀明排營救之斬獲數百人五年遷
并州刺史滇那等諸種羌五六千人寇武威張掖酒泉
燒人廬舍六年寇勢轉盛涼州幾亡冬復以紀明為護
羌校尉乘驛之職七年春羌封僕良多滇那等
僕良多遂反又力
救首豪三百五十五人率三千落詣紀明降當煎勒姐

種猶自弋結冬紀明將萬餘人擊破之斬其首豪首虜
四千餘人八年春復擊勒姐種斬首四百餘級降者二
千餘人夏進軍擊當煎種於湟中紀明兵敗被圍三日
用隱士樊志張策潛師夜出鳴鼓還戰大破之首虜數
千人紀明遂窮追展轉山谷間自春及秋無日不戰虜
遂饑困敗散北畧武威間紀明凡破西羌斬首二萬三
千級獲生口數萬人馬牛羊八百萬頭降者萬餘落封
紀明都鄉侯邑五百戶永康元年當煎諸種復反合四

千餘人欲攻武威紀明復追擊於鶯鳥大破之殺其渠帥斬首三千餘級西羌於此弭定建寧元年春紀明將兵萬餘人齎十五日糧從彭陽直指高平與先零諸種戰於逢義山虜兵盛紀明衆恐乃令軍中張鉞利刃長矛三種挾以彊弩列輕騎為左右翼激怒兵將曰今去家數千里進則事成走必盡死努力共功名因大呼衆皆應聲騰赴紀明馳騎於傍突而擊之虜衆大潰斬首八千餘級獲馬牛羊二十八萬頭夏紀明復追羌出橋

門

谷名

至走馬水上尋聞虜在奢延澤

即上郡奢延縣界

乃將輕

兵兼行一日一夜二百餘里晨及賊擊破之餘虜走向

落川復相屯結紀明乃分遣騎司馬田晏將五千人出

其東假司馬夏育將二千人統其西羌分六七千人攻圍

晏等與戰羌潰走紀明急進與晏等共追之於令鮮水

上

水名在甘肅張掖界縣

士卒饑渴乃勒衆推方奪其水

推方謂方頭號

也虜復走紀明遂與相連綴且鬪且引及於靈武谷

靈武

縣名有谷紀明乃被甲先登士卒無敢後者羌遂大敗棄兵

而走追之三日三夜士皆重繭

繭足下傷起形如繭

既到涇陽餘

寇四千落悉散入漢陽山谷間二年詔遣謁者馮禪說
降漢陽散羌紀明以春農百姓布野羌雖暫降而縣官
無廩必當復為盜賊不如乘虛放兵勢必殄滅夏紀明
自進營去羌所屯凡亭山四十五里遣田晏夏育將五
千人據其山上羌悉眾攻之厲聲曰田晏夏育在此不惶
中義從羌悉在何面今日欲決死生軍中恐晏等勸激
兵士殊死大戰遂破之羌眾潰東奔復聚射虎谷分兵

守諸谷上下門紀明規一舉滅之不欲復令散走乃遣
千人於西縣結木為柵廣二十步長四十里遮之

西縣屬天

水分遣晏育等將七千人銜枚夜上西山結營穿塹去

虜一里許又遣司馬張愷等將三千人上東山虜乃覺
之遂攻晏等分遮汲水道紀明自率步騎進擊水上羌
却走因與愷等挾東西山縱兵擊破之羌復敗紀明追
至谷上下門窮山深谷之中處處破之斬其渠帥以下
萬九千級獲牛馬騾驢氊裘廬帳什物不可勝數馮禪

等所招降四千人分置安定漢陽隴西三郡於是東羌悉平凡百八十戰斬三萬八千六百餘級獲牛馬羊騾驢駱駝四十二萬七千五百餘頭費用四十四億軍士死者四百餘人更封新豐縣侯邑萬戶

皇甫規延熹四年以中郎將持節監關西兵討叛羌零吾等破之斬首八百級先零諸種羌慕規威信相勸降者十餘萬

皇甫嵩靈帝中平元年以左中郎將持節與右中郎將

朱雋共發五校三河騎士及募精兵四萬人嵩雋各統一軍共討潁川黃中大破之斬首數萬級封嵩都鄉侯嵩雋乘勝進討汝南陳國黃中追波才於陽翟擊彭脫於西華並破之餘賊降散三郡悉平又進擊東郡黃中卜已於倉亭生禽卜已斬首七萬餘級是時北中郎將盧植東中郎將董卓討張角並無功而還乃詔嵩進兵討之嵩與張角弟梁戰於廣宗

今具州
宇城縣

梁衆精勇嵩不能尅明日乃閉營休士以觀其變知賊意稍懈乃潛夜

勒兵雞鳴馳赴其陳戰至晡時大破之斬梁獲首三萬
級赴河死者五萬許人焚車重三萬餘兩悉虜其婦子
擊獲甚衆角先已病死乃剖棺戮屍傳首京師嵩復與
鉅鹿太守馮翊郭典攻角弟寶於下曲陽又斬之斬獲
十餘萬人築京觀於城南即拜嵩為左車騎將軍領冀
州牧封槐里侯百姓歌曰天下亂兮市為墟母不保子
兮妻失夫賴得皇甫兮復安居

朱雋中平元年以右中郎將持節與左中郎將皇甫嵩

討潁川汝南陳國諸賊悉破平之封西鄉侯遷鎮賊中
郎擊南陽黃巾趙引于宛斬之賊餘帥韓忠復據宛雋
又擊大破之乘勝逐北數十里斬首萬餘級忠等遂降
而南陽太守秦頡積忿忠遂殺之餘衆懷不自安復以
孫夏為帥還屯宛中雋急攻之夏走追至西鄂精山又
破之

西鄂故城在鄧州向
城縣南精山在其南

復斬萬餘級賊遂解散明年

使者持節拜雋右車騎將軍

公孫瓚中平中以遼東屬國長史督烏桓突騎將軍張

溫討涼州賊會烏桓反畔與賊張純等攻擊薊中瓚率
所領追討純等有功累遷騎都尉降虜校尉初平二年
青徐黃巾三十萬衆入勃海界欲與黑山合瓚率步騎
二萬人擊於東光南大破之斬首三萬餘級賊棄其車
重數萬兩奔走渡河瓚因半濟薄之賊復大破死者數
萬流血丹水收得生口七萬餘人車甲財物不可勝筭
威名大震拜奮武將軍封薊侯

魏龐德漢建安中以校尉從馬騰征伐太祖討袁譚於

黎陽譚遣郭援高幹等畧取河東太祖使鍾繇率關中諸將討之德隨騰子超拒援幹於平陽德為軍鋒進攻援幹大破之親斬援首拜中郎將封都亭侯後張白騎叛于弘農德復隨騰征之破白騎於兩穀間後為立義將軍封關門亭侯音衛開等以宛叛德將所領與曹仁共攻拔宛斬之

郭淮漢延康元年行征羌護軍左將軍張郃冠軍將軍楊秋討山賊鄭甘盧水叛胡皆破平之關中乃定民得

安業黃初五年為真安定羌大帥辟蹠反討破降之
滿寵延康元年以揚武將軍破吳於江陵有功更拜伏
波將軍

樂進為陷陣都尉從擊呂布於濮陽張超於雍丘橋蕤
於苦皆先登有功封廣昌亭侯

文聘黃初元年以討逆將軍假節與夏侯尚圍江陵使
聘別屯沔口止石梵自當一隊禦賊有功遷後將軍封
新野侯孫權以五萬衆自圍聘于石陽甚急聘堅守不

動權住二十餘日乃解去聘追擊破之

田豫為護烏丸校尉山賊高艾眾數千人寇鈔為幽冀
害豫誘使鮮卑素利部斬艾傳首京都封豫長樂亭侯
加殄夷將軍太和六年帥眾討吳將周賀於成山遂殺
賀

夏侯尚黃初三年為征南將軍領荊州刺史時車駕幸
宛使尚率諸軍與曹真共圍江夏吳將諸葛瑾與尚軍
對江瑾渡入江中渚而分水軍于江中尚夜多持油船

將步騎萬餘人於下流潛渡攻瑾諸軍夾江燒其舟船
水陸並攻破之

王凌黃初中以兗州刺史與張遼等至廣陵討吳臨江
夜大風吳將呂範等船漂至北岸凌與諸將逆擊捕斬
首虜獲舟船有功正始初為征東將軍假節鉞都督揚
州諸軍事二年吳大將全琮數萬衆寇芍陂凌率諸軍
逆討與賊爭牛塘力戰連日賊退走進封南鄉侯

張邵明帝即位初以左將軍南屯荊州與司馬宣王擊

吳別將劉阿等追至祁口交戰破之諸葛亮出祁山加
郤位特進遣督諸軍拒亮將馬謖於街亭謖依阻南山
不下據城郤絕其汲道擊大破之南安天水安定郤反

應亮郤皆破平之

又破隴西名羌唐阮
於抱罕加建威將軍

徐邈明帝時為護羌校尉蜀相諸葛亮出祁山隴右三
郡反邈輒遣參軍及金城太守等擊南安賊破之以討
叛羌柯吾有功封都亭侯

母丘儉青龍中以度遼將軍隨司馬宣王率數萬討公

孫淵定遼東以功進封安邑侯正始中儉以高句驪數
侵叛督諸軍步騎萬人出玄菟從諸道討之高句驪

宮將步騎二萬人進軍沸流水上大戰梁口

梁音渴

宮連

破走儉遂束馬懸車以登丸都屠句驪所都斬獲首虜
以千數宮將妻子逃竄奔沃沮六年復進師擊之沃沮

邑落皆破之斬獲首虜以千餘級宮奔北沃沮

王昶齊王嘉平二年以征南將軍詣江陵兩岸引竹絙
為橋渡水擊吳賊賊奔南岸鑿七道並來攻於是昶使

積弩同時俱發賊大將施績夜遁入江陵城追斬數百級遷征南大將軍

王基嘉平二年以揚烈將軍荊州刺史隨征南王昶擊吳基別襲步協於夷陵協閉閣自守基示以攻形而實分兵取雄父邨閣收米三十餘萬斛虜安北將軍譚正納降數千口賜爵關內侯

鄧艾高貴鄉公甘露二年以鎮西將軍都督隴右諸軍事拒蜀將姜維於長城維退還遷征西將軍景元三年

又破維於侯和維却保番中四年秋詔諸軍征蜀大將
軍司馬文王皆指授節度使艾與維相綴連雍州刺史
諸葛緒要維令不得歸艾遣天水太守王頌等直攻維
營隴西太守牽弘等邀其前金城太守楊欣等詣甘松
維聞鍾會諸軍已入漢中引退還欣等追躡於強川口
大戰維敗走聞雍州已塞道屯橋頭從孔函谷入北道
欲出雍州後諸葛緒聞之却還三十里維入北道三十
餘里聞緒軍却尋還從橋頭過緒趨截維較一日不及

維遂東引還守劔閣冬十月艾自陰平道行無人之地
七百餘里鑿山通道造作橋閣山高谷深至為艱險又
糧運將匱頻于危殆艾以氊自裹推轉而下將士皆攀
木緣崖魚貫而進先登至江油蜀守將馬邈降蜀衛將
軍諸葛瞻自涪還緜竹列陣待艾艾遣子惠唐亭侯忠
等出其右司馬師纂等出其左忠纂戰不利並退還曰
賊不可擊艾怒曰存亡之分在此一舉何不可之有乃
叱忠纂出將斬之忠纂馳還更戰大破之斬瞻及尚書

張遵等首進軍到雒劉禪遣使奉皇帝璽綬為箋詣艾請降詔以艾為太尉增邑二萬戶

鍾會陳留王景元四年以鎮西將軍統十萬衆攻蜀兵至劍閣時鄧艾追姜維到陰平簡選精銳欲從漢德陽入江油左僭道詣緜竹趣成都與諸葛緒共行緒以奉受節度邀姜維西行非本詔遂進軍前向白水與會合會遣將軍田章等從劍閣西徑出江油未至百里章先破蜀伏兵三校艾使章先登遂長驅而前劉禪詣艾降

蜀皆平

蜀諸葛亮後王建興三年春以丞相領益州牧率衆征南中諸郡其秋悉平遂至滇池皆即其渠帥而用之六年冬出散關圍陳倉魏將曹真拒之亮糧盡而還魏將王雙率騎追亮亮與戰破之斬雙七年亮遣陳式攻武都陰平魏雍州刺史郭淮率衆欲擊式亮自出至建威淮退還遂平二郡

李恢為床降都督建興三年丞相諸葛亮南征恢與亮

聲勢相連南土平定恢軍功居多封漢興亭侯加安漢將軍還南夷復叛殺害守將恢身往撲討鉏盡惡類徙其豪帥於成都

張嶷建興五年以都尉將兵討廣漢緜竹山賊張慕等嶷身率左右因斬慕等五十餘級渠賊悉殄尋其餘類旬日清泰其後為牙門將受兵三百人隨馬忠討叛羌至他邑里或迎軍出降或奔竄山谷放兵攻擊軍以克捷十一年南夷劉胃反馬忠督庠降討胃嶷復屬馬忠

遂斬胃平南事訖牂牁與古獠種復反忠令嶷領諸營往討嶷內招降得二千人悉詣漢中

魏延建興八年以丞相司馬領涼州刺史時諸葛亮使延西入羌中魏後將軍費瑤雍州刺史郭淮與延戰于陽谿大破淮等遷為前軍征西大將軍假節進封南鄭侯

馬忠建興十一年代張翼為庾降都督討南夷豪帥劉胃斬之平南土逸奮威將軍封博陽亭侯先是建寧郡

殺太守王昂縛太守張裔於吳故都督常駐平夷縣至忠乃移治味縣處民夷之間又越雋郡亦久失土地忠率太守張嶷開復舊郡繇此就加安南將軍封彭鄉亭侯

王平建興十二年以討虜將軍領丞相諸葛亮叅軍統五部事亮卒於武功軍退還征西大將軍魏延作亂一戰而敗平之功也

姜維延熹十年以衛將軍率衆討汝山平康夷定之十

七年加都督中外諸軍事復出隴西守狄道長李簡舉城降進圍襄武與魏將徐質交鋒斬首破敵魏軍敗退維乘勝多所降下拔河間狄道臨洮三縣民十八年復與車騎將軍夏侯霸等俱出狄道大破魏雍州刺史王經於洮西經衆死者數萬人

霍弋景曜六年為安南將軍于時蜀并於魏弋遂降拜南中都督委以本任後遣將兵救援呂興平交趾日南九真三郡功封列侯

吳朱然為臨川太守授兵二千人會山賊盛起然平討旬月而定漢建安二十四年從大帝討關羽別與潘璋到臨沮禽羽遷昭武將軍黃武元年劉備攻宜都然別攻破備前鋒斷其後道備遂破走赤烏九年以車騎將軍右護軍復征魏祖中

祖音租在上黃界去襄陽一百五十里

魏將李興

等聞然深入率步騎六千斷然後道然夜出逆之軍以勝返

呂據黃龍初以安軍中郎將數討山賊諸深惡劇地所

擊皆破隨太常潘濬討五谿復有功朱然攻樊據與朱異破城外圍還拜偏將軍右將軍魏出東興據赴討有功孫峻殺諸葛恪遷為驃騎將軍平西宮事五鳳二年假節與峻等襲壽春還遇魏將曹真破之於高亭

潘濬為輔軍中郎將為荊州治中時武陵部從事樊仲誘導諸夷圖以武陵屬蜀濬將兵五千斬平之黃龍中以太常假節督諸軍討五谿蠻夷斬首獲生蓋以萬數自是羣蠻衰弱一方寧靜

呂岱嘉禾三年以鎮南將軍屯蒲圻四年廬陵賊李桓
路合會稽東治賊隨春南海賊羅厲等一時並起詔岱
督劉纂唐谷等分部討擊春即時首降桓厲等皆見斬
獲傳首詣都後領荊州督蒲圻頃之廖式作亂攻圍城
邑零陵蒼梧鬱林諸郡搔擾岱自表輒行星夜兼路遣
諸將唐谷等絡繹相繼攻討一年破之斬式及遣諸偽
署臨賀太守費揚等并其支黨郡縣悉平

吳景嘉禾五年以中郎將與將軍唐谷討廬陵賊李桓

羅厲等平之槩獲李桓谷獲羅厲等

陸遜嘉禾五年以上大將軍與諸葛瑾攻魏襄陽斬首獲生凡千餘人

陸凱赤烏中為儋耳太守討朱崖斬獲有功遷建武校尉五鳳二年討山賊陳旻於零陵斬旻克捷拜巴丘督偏將軍

朱異赤烏四年以騎都尉隨朱然攻魏樊城建計破其外圍還拜偏將軍廬江太守文欽營往六安多設屯砦

置諸道要以招誘亡叛為邊寇害異乃身率二千人掩破欽七屯斬首數百遷揚武將軍建興元年遷鎮南將軍是歲魏遣胡遵諸葛誕等出東興異督水軍攻浮梁壞之魏軍大破

諸葛恪廢帝建興元年以太傅會眾於東興更作大隄左右結山峽築兩城魏以吳軍入其疆土恥于受侮命大將胡遵諸葛誕等率眾七萬欲攻圍兩塢圖壞隄過恪恪興軍四萬晨夜赴救遣將軍劉贊呂據唐谷丁奉

為前部鼓譟亂斫魏軍驚擾死者萬數獲車乘牛馬驢騾各數千資器山積振旅而歸加荊揚州牧督中外諸軍事

丁奉為寇軍將軍建興元年魏遣諸葛誕胡遵等攻東興諸葛恪率軍拒之奉與將軍唐谷呂據劉贊等俱從山西上奉縱兵斫之大破敵前屯會據等至魏軍遂潰遷滅寇將軍魏將文欽來降以為虎威將軍從孫峻至壽春迎之與敵追軍戰於高亭奉跨馬持矛突入其陣

中斬首數百獲其軍器進封安豐侯太平二年魏大將軍諸葛誕據壽春來降魏大圍之遣朱異唐咨等往救復使奉與黎斐解圍奉為先登屯於黎漿力戰有功拜左將軍


陸抗建興二年拜奮威將軍太平二年魏將諸葛誕舉壽春降拜抗為柴桑督赴壽春破魏牙門將偏將軍遷征北將軍

虞汜為散騎中常侍永安初以討扶嚴功拜交州刺史

冠軍將軍

鍾離牧永安六年以平魏將軍領武陵太守時蜀并于魏武陵五谿夷與蜀接界魏遣漢復縣長郭純試守武陵太守率涪陵民入蜀遷陵界屯于赤沙誘致諸夷邑君或起應純又進攻酉陽縣郡中震懼牧即率所領晨夜進道緣山險行垂二千里從塞上斬惡民懷異心者魁帥百餘人及其支黨凡千餘級純等散五谿平遷公安督揚武將軍封都鄉侯

薛珣後王建衡元年以為南將軍與監軍虞汜蒼梧太守陶璜等擊交趾三年汜璜破交趾禽殺晉所置守將九真日南皆還屬



冊府元龜卷三百四十九

欽定四庫全書

子部

冊府元龜卷三百五十三

五十三

詳校官中書_臣羅錦森

侍讀_臣孫球覆勘

總校官庶吉士_臣何思鈞

校對官助教_臣蔡鎮

謄錄監生_臣戴天民

欽定四庫全書

冊府元龜卷三百五十

宋 王欽若等 撰

將帥部

立功第三

晉胡奮初仕魏為校尉匈奴中部帥劉猛叛使驍騎路
蕃討之以奮為監軍假節頓軍硯北為蕃後繼擊猛破
之猛帳下將李恪斬猛而降以功累遷征南將軍假節
都督荊州諸軍事

石苞初仕魏為奮武將軍監青州軍事及諸葛誕舉兵淮南苞統青州諸軍督兗州刺史周泰徐州刺史胡質簡銳卒為游軍以備外寇吳遣大將朱異丁奉等來迎誕等留輜重於都陸輕兵渡黎水苞等逆擊大破之太山太守胡烈以奇兵詭道襲都陸盡焚其委輸異等收餘衆而退壽春平拜苞鎮東將軍封東光侯

馬隆武帝泰始中為司馬督涼州為虜所沒乃以隆為武威太守討之隆西渡溫水虜樹機能等以衆萬計或

乘險以遏隆前或設伏以斷隆後隆依八陣圖作偏箱車地廣則鹿角車營路狹則為木屋於車上且戰且前弓矢所及應弦而倒奇謀間發出敵不意或夾道累磁石賊負鐵鎧行不能前隆卒悉被犀甲無所留礙賊咸以為神轉戰千里殺傷以千數隆到武威虜大人猝跋韓且萬能等率萬餘落歸降前後誅殺及降附者以萬計又率善戎沒骨能等與樹機能大戰斬之涼州遂

平

王渾泰始中以安東將軍都督揚州諸軍事鎮壽春吳人大佃皖城圖為邊害渾遣揚州刺史應綽督淮南諸軍攻破之并破諸別屯焚其積穀百八十餘萬斛稻苗四千餘頃船六百餘艘渾遂陳兵東疆視其地形險易歷觀敵城察攻取之勢及大舉伐吳渾率師出橫江遣參軍陳慎都尉張喬攻尋陽瀨鄉又擊吳牙門將孔忠皆破之獲吳將周興等五人又遣殄吳護軍李純據高望城討吳將俞恭破之多所斬獲吳厲武將軍陳代平

虜將軍朱明懷懼而來降吳丞相張悌大將軍孫震等率衆數萬指城陽渾遣司馬孫疇揚州刺史周浚擊破之臨陣斬二將及首虜七千八百級吳人大震吳司徒何植建威將軍孫晏送印節詣渾降既而王濬破石頭降孫皓明日渾始濟江登建鄴宮以功增封八千戶進爵為公

陳騫秦始末以大將軍攻拔吳枳里城破涂中屯戍獲吳立信校尉莊祐

王濬太康元年正月以龍驤將軍率巴東監軍廣武將軍唐彬攻吳丹陽寇之擒其丹陽監盛紀二月庚申寇吳西陵獲其鎮南將軍劉憲征南將軍成據宜都太守虞忠壬戌尅荆門夷道二城獲監軍陸晏乙丑尅樂鄉乙亥詔進濬為平東將軍假節都督益梁諸軍事濬自發巴蜀兵不血刃攻無堅城夏口武昌無相支抗于是順流鼓棹徑造三山孫皓遣游擊將軍張象率舟軍萬人禦濬象望旗而降皓用光祿勳薛瑩中書令胡冲計

送降文于濬壬寅濬入于石頭收其圖籍領州四郡四
十三縣三百一十三戶五十二萬三千吏三萬二千兵
二十三萬男女口二百三十萬米穀二百八十萬斛舟
船五千餘艘

杜預太康元年以鎮南大將軍都督荊州諸軍事陳兵
於江陵遣參軍樊顯尹林鄧圭襄陽太守周奇等率衆
循江西上授以節度旬日之間累尅城邑又遣牙門管
定周旨伍巢等率奇兵八百汎舟夜渡以襲樂鄉虜吳

都督孫歆而還于是進逼江陵吳督將伍延偽請降而列兵登陴預攻尅之既平上流于是沅湘以南至於交廣吳之州郡皆望風歸命奉送印綬預杖節稱詔而撫之凡所斬及生獲吳都督監軍十四牙門郡守百二十餘人孫皓既平振旅凱入以功封當陽侯

周浚太康元年以折衝將軍射陽侯領揚州刺史隨王渾伐吳攻破江西屯戍與孫皓中軍大戰斬偽丞相張悌等首級數千俘馘萬計進軍屯于橫江孫皓既降于

王濬浚乃濟江與王渾共行吳城壘綏撫新附以功進封成武侯食邑六千戶明年移鎮秣陵時吳初平屢有逃亡者頻討平之

孟觀惠帝時為積弩將軍氏帥齊萬年反于關中衆數十萬諸將覆敗相繼以觀沈毅有文武材用乃啟觀討之觀所領宿衛皆趨健勇悍并統關中士卒身當矢石大戰十數皆破之生擒萬年威懼氏羌轉東羌校尉

李矩為征西將軍梁王彤牙門將伐氏帥齊萬年有殊

功封東明亭侯及雒陽不守太尉荀藩奔陽城衛將軍
華蒼奔成臯時大饑賊帥侯都等略人而食之藩蒼
部曲多為所啖矩討都等滅之乃營護藩蒼各為立屋
宇輸穀以給之及藩承制建行臺假矩滎陽太守矩招
懷離散遠近多附之石勒親率大衆襲矩遣老弱入
山令所在散牛馬因設伏以待之賊爭取牛馬伏發齊
呼聲動山谷遂大破之斬獲甚衆勒乃退

索綝為鷹揚將軍南陽王模從事中郎劉聰侵掠關東

以緄為奮威將軍以禦之斬聰將呂逸又破聰黨劉豐
遷新平太守愍帝立緄領太尉擊破劉曜將日逐王呼
延莫劉曜入關芟麥苗緄又擊破之自長安伐劉聰聰
將趙染染仗其累捷有自矜之色帥精騎數百與緄戰
大破之染單馬而走

麴允為尚書左僕射領軍持節西戎校尉時劉曜殷凱
趙染數萬衆逼長安允擊破之擒凱于陣

苟晞以北軍中候行兗州刺史汲桑之破鄴也東海王

越出次官渡以討之命晞為前鋒桑素憚之於城外為
柵以自守晞將至頓軍休士先遣單騎示以禍福桑眾
大震弃柵宵遁嬰城固守晞陷其九壘遂定鄴而還西
討呂朗等滅之後高密王泰討青州賊劉根破汲桑故
將公師藩敗石勒于河北威名甚盛時人擬之韓白進
位撫軍將軍假節都督青兗諸軍事封東平郡侯邑萬
戶

劉弘太安中以南蠻校尉荊州刺史率前將軍趙驥等

討賊帥張昌自方城至新野所向皆平及新野王歆之
敗也以弘代為鎮南將軍都督荊州諸軍事弘遣長史
陶侃為大都護參軍蒯恒為義軍督護牙門將皮初為
都戰帥進據襄陽張昌并軍圍宛敗趙驤軍弘退屯梁侃
初等累戰破昌前後斬首數萬級及到宛西昌懼而逃
其衆悉降荆土平弘遣軍討昌于下雋山斬之悉降其
衆進拜侍中鎮南大將軍

周玘太安中右將軍陳敏反于揚州以玘為安豐太守

加四品將軍玘稱疾不行密遣使告鎮東將軍劉準令發兵臨江玘為內應準遣督護衡彥率衆而東時敏弟昶為廣武將軍歷陽內史以吳興錢廣為司馬玘密諷廣殺昶玘與顧榮甘卓等以兵攻敏敏衆奔潰單馬北走追獲之于江乘界斬之於建康

張光為順陽太守陵江將軍討陳敏之亂時江夏太守陶侃與敏大將錢端相拒於長岐將戰襄陽太守皮初為步軍使光設伏以待之武陵太守苗光為水軍藏舟

艦於沔水皮初等與賊交戰光發伏兵應之水陸同奮
賊衆大敗

王浚為安北將軍懷帝永嘉三年九月石勒寇恒山浚
使鮮卑騎救之大破勒于飛龍山

應詹愍帝時為南平太守假督南平天門武陵三郡軍
事天門武陵谿蠻竝反詹討降之鎮南將軍山簡復假
詹督五郡軍事會蜀賊杜疇作亂來攻詹郡力戰摧之
尋與陶侃破杜弢于長沙明帝時王敦作逆帝以詹為

護軍將軍假節都督朱雀橋南賊從竹格渡江詹與建
威將軍趙裔等擊敗之斬賊帥杜發梟首數千級賊平
封觀陽縣侯食邑千六百戶

甘卓元帝初渡江授卓前鋒都督揚威將軍後討周馥
征杜弢屢經苦戰多所擒獲以前後功進爵南鄉侯

周訪為揚烈將軍領兵一千二百屯尋陽鄂陵與甘卓
趙誘討華軼軼所統武昌太守馮逸來攻訪訪率衆擊
破之逸遁保柴桑訪乘勝進討軼遣其黨王約傅札等

萬餘人助逸大戰于湓口約等又敗訪與甘卓等會於彭澤與軼水軍將朱矩等戰又敗之軼將周廣燒城以應訪軼衆潰訪執軼斬之遂平江州以為振武將軍尋陽太守又與諸軍共征杜弼弼歸湘州訪復以舟師造湘城軍達富池而弼遣杜弘出海昏時湓口騷動訪步上柴桑偷渡與賊戰斬首數百賊退保廬陵訪追擊敗之賊嬰城自守尋而軍糧為賊所掠退住巴丘糧廩既至復圍弘於廬陵弘大擲財物于城外軍人競拾之弘

因陣亂突圍而出訪率軍追之獲鞍馬鎧仗不可勝數
弘入南康太守將率兵逆擊又破之奔于臨賀進龍驤
將軍武關賊帥杜曾聚兵數萬大為人害威震江沔帝
命訪擊之曾攻訪左右甄皆敗訪選精銳八百人以進
賊未至三十步親鳴鼓將士皆騰躍奔赴曾遂大潰殺
千餘人曾遁走訪部將蘇溫收曾赴軍送王敦斬之
祖約為平西將軍豫州刺史及王敦舉兵約歸衛京都
率眾次壽陽逐敦所署淮南太守任台以功封五等侯

進號鎮西將軍

蘇峻為奮威將軍臨淮內史及王敦舉兵渡竹格渚拔
柵將戰峻率其將韓晃于南塘橫截大破之又隨庾亮
追沈充進使持節冠軍將軍歷陽內史加散騎常侍封
邵陵公

溫嶠為中壘將軍王敦逼京師嶠自率眾與賊夾水戰
擊王含敗之復督劉遐追錢鳳於江寧事平封建寧縣
開國公進號前將軍

朱伺為綏夷都尉陳敏作亂陶侃鎮江夏以伺能水戰
曉作舟艦乃遣作大艦署為左甄據江口摧破敏前鋒
敏兄恢稱荊州刺史在武昌侃率伺及諸軍進討破之
敏恢既平伺以功封亭侯領騎督隨陶侃討杜弢有殊
功加威遠將軍又以平蜀賊龍高之功加廣威將軍

毛寶為南中郎將督隨義陽二郡鎮上明隨庾亮討郭
默默平與亮司馬王愆期等救桓宣于章山擊賊將石
遇破之

鄧嶽為西陽太守及蘇峻反平南將軍溫嶠遣嶽與督
護王愨期鄱陽太守紀睦等率舟軍赴難峻平還郡郭
默之叛大司馬陶侃使嶽率西陽之衆討之默平遷督
交廣二州軍事建武將軍領平越中郎將廣州刺史假
節錄前後勳封宜城縣伯咸康三年嶽遣軍伐夜郎破
之

劉遐為龍驤將軍下邳內史初沛人周堅一名撫與同
郡周默因天下亂各為塢主以寇抄為事及默降祖逖

撫怒遂襲殺默以彭城叛石勒遣騎援之詔遐領彭城
內史與徐州刺史蔡豹太山太守徐龕共討撫戰于寒
山撫敗走

荀羨為徐州刺史監青州軍事慕容儁攻段蘭於青州
詔使羨救之儁將王騰趙盤寇瑯邪鄆城北境騷動羨
討之擒騰盤迸走軍次琅邪而蘭已沒羨退還下邳留
將軍諸葛攸高平太守劉莊等三千人守琅邪參軍戴
逯蕭鎡二千人守泰山是時慕容蘭以數萬衆屯汴城

甚為邊害羨自光水引汶通渠至於東阿以征之臨陣
斬蘭

陶侃為龍驤將軍元帝使侃擊杜弢令振威將軍周訪
廣武將軍趙誘受侃節度令二將為前鋒兄子輿為左
甄擊賊破之侃後為平南將軍時交州刺史王諒為賊
梁碩所陷陶侃遣將高寶進擊平之錄前後功封次子
夏為都亭侯

王舒為假節都督行揚州刺史討蘇峻時吳國內史庾

冰棄郡奔舒舒移告屬縣以吳王師虞駿為軍司御史
中丞謝藻行龍驤將軍監前鋒征討軍事率眾一萬與
庾冰俱渡浙江前義興太守顧眾護軍參軍顧颺等皆
起義軍以應舒舒假眾揚威將軍督護吳中軍事颺監
晉陵軍事于御亭築壘峻聞舒等兵起乃赦庾亮諸弟
以悅東軍舒率眾次郡之西江為冰藻後繼冰颺等遣
前鋒進據無錫遇賊將張健等數千人交戰大敗奔還
御亭復自相驚擾冰颺等竝退於錢塘藻守嘉興賊遂

入吳燒府舍掠諸縣所在塗地舒以輕進奔敗斬二軍
主者免水颺督護吳晉陵軍屯兵章埭吳興太守虞潭
率所領討健屯烏菀亭竝不敢進時暴雨大水賊管商
乘船旁出襲潭及衆潭等奔敗潭還保吳興衆退守錢
塘舒更遣將軍陳孺率精銳千人增戍海浦所在築壘
或勸舒宜還都使謝藻守西陵扶海立柵舒不聽留藻守
錢塘使衆颺守紫壁於是賊轉攻吳興潭諸軍復退賊
復掠東遷餘杭武康諸縣舒遣子允之行揚烈將軍與

將軍徐遜陳孺及揚烈司馬朱燾以精銳三千徑邀賊于武康出其不意遂破之斬首數百級賊委舟步走允之收其器械進兵助潭時賊韓晃既破宣城轉入故鄣長城允之遣朱燾何準等擊之戰於乾湖潭以彊弩射之晃等退走斬首千餘級納降二千人潭繇是得保郡是時臨海新安諸山縣竝反應賊舒分兵悉討平之會陶侃等至京都潭等竝以屢戰失利移書盟府自貶去節侃遣使敦喻不聽及侃立行臺上舒監浙江東五郡

軍事允之都護吳郡義興晉陵三郡征討軍事既而晃等南走允之追躡於長塘湖復大破之賊平以功封彭

澤縣侯

庾冰為吳國內史蘇峻作逆遣兵攻冰冰不能禦便棄郡奔會稽會稽內史王舒以冰行奮武將軍拒峻別率張健於吳中健黨甚衆諸將莫敢先進冰率衆擊健走之于是乘勝西進赴于京都又遣司馬滕含攻賊石頭城拔之冰勲為多

庾懌為左衛將軍以討蘇峻功封廣饒男

顧眾為揚威將軍蘇峻反王師敗績眾還吳潛圖義舉時吳國內史庾冰奔于會稽峻以蔡謨代之前陵江將軍張慙為峻收兵於吳眾遣人喻慙慙從之眾乃遣郎中徐機告謨曰眾已潛合家兵待時而奮又與張慙剋期効節謨乃檄眾為本國督護揚威將軍仍舊眾從弟護軍將軍颺為威遠將軍前鋒督護吳中人士同時響應峻遣將弘徽領甲卒五百鼓行而前眾與颺慙要擊

徽戰於高祚大破之收其軍實謨以冰當還任故便去
郡衆遣颺率諸軍屯無錫冰至鎮御亭恐賊從海虞道
入衆自往備之而賊帥張健馬流攻無錫颺等大敗庾
冰亦失守健等遂據吳城衆自海虞繇婁縣東倉與賊
別率交戰破之義軍又集進屯烏芭會稽內史王舒吳
興內史虞潭並檄衆為五郡大督護統諸義軍討健潭遣將
姚休為衆前鋒與賊戰沒衆還守紫壁時賊黨方銳義
軍沮退人咸勸衆過浙江衆曰不然今保固紫壁可得

全錢塘以南五縣若越他境便為寓軍控引無所非長計也臨平人范明亦謂衆曰此地險要可以制寇不可委也衆乃拔明為參軍明率宗黨五百人合諸軍凡四千人復進討健健退于曲阿留錢弘為吳令軍次路丘即斬弘首衆進住吳城遣督護朱祈等九軍與蘭陵太守李閎共守處亭健遣馬流陶陽等往攻之閎與祈等逆擊大破之斬首二千餘級峻平論功衆以承檄奮義推功于謨謨以衆唱謀非已之力俱表相讓論者美之

封鄱陽縣伯

周撫為征虜將軍督寧州諸軍事穆帝永和初桓溫征蜀進撫督梁州之漢中巴西梓潼陰平四郡軍事鎮彭模撫擊破蜀餘寇隗文鄧定等斬偽尚書僕射王誓平南將軍王潤以功遷平西將軍隗文鄧定等復反立范賢子賁為帝初賢為李雄國師以左道惑百姓人多事之賁遂有衆一萬撫與龍驤將軍朱壽擊破斬之以功進爵封建城縣公

桓溫為安西將軍永和二年伐蜀蜀李勢衆大潰溫乘勝直進焚其小城勢遂夜遁九十里至晉壽葭萌城其將鄧嵩咎堅勸勢降乃面縛輿櫬請命溫解縛焚櫬送于京師溫傳蜀三旬舉賢旌善偽尚書僕射王誓中書監王瑜鎮東將軍鄧定散騎常侍常璩等皆蜀之良也竝以為參軍百姓咸悅軍未旋而王誓鄧定隗文等反溫復討平之振旅還江陵十二年姚襄入於許昌溫以太尉為大都督討之戰于伊水大敗之襄走平陽徙其

餘衆三千餘家於江漢之間執降賊周成而歸太和四年率衆伐慕容暉暉將慕容垂帥衆拒温温擊敗之九月戊寅温裨將鄧遐宋序遇暉將傅末波於林渚又大破之

温弟豁為建威將軍督沔中七郡軍事擊慕容屈塵破之進號右將軍監荆揚雍州軍事領護南蠻校尉時梁州刺史司馬勳以梁益叛豁使其參軍桓羆討之而南陽督護趙弘趙憶等逐太守桓淡據宛城以叛豁與羆

陵太守羅崇討破之又攻偽南中郎將趙盤于宛盤退走豁追至魯陽獲之送于京師置戍而還

豁弟冲為鷹揚將軍鎮蠻護軍西陽太守從其兄温征伐有功遷都督荊州之南陽襄陽新野義陽順陽雍州之京兆揚州之義城七郡軍事寧朔將軍鎮襄陽又從温破姚襄及虜周成進爵豐城公温之破姚襄也獲襄將張駿楊凝等徙于尋陽冲在江陵未及之職而駿率其徒五百人殺江州督護趙毗掠武昌府庫將妻子北

叛冲遣將討獲之遽還所鎮豁卒冲領護南蠻校尉荆
州刺史苻堅遣其將苻融寇樊鄧石越寇魯陽姚萇寇
南鄉韋鍾寇魏興冲率前將軍劉波及兒子振威將軍
石民冠軍將軍石虔等伐之拔堅筑陽攻武當走堅充
州刺史張崇又使石虔伐堅襄陽太守閻震擒之及大
小帥二十九人送於京師堅使其將郝貴守襄陽冲使
揚威將軍朱綽討之遂焚燒沔北稻田拔六百餘戶而
還又遣上庸太守郭寶伐堅魏興太守褚坦上庸太守

段方竝降之新城太守麴常遁走三郡皆平

豁子石虔為寧遠將軍領南頓太守帥諸將攻袁真于壽陽尅其南城又擊符堅將王鑒于石橋獲馬五百匹後為冠軍將軍領南平太守會符堅荊州刺史梁成襄陽太守閻震率衆入寇竟陵石虔與弟石民距之賊阻激水屯管城石虔設計夜渡水既濟賊始覺力戰破之進尅管城擒震斬首七千級俘獲萬人馬數百匹牛羊千頭具裝鎧三百領成以輕騎走保襄陽石虔復領河

東太守進據樊城逐堅兗州刺史張崇納降二千家而
還

石虔弟石民為衛將軍謝安參軍叔父冲上疏拔石民
振武將軍戍夏口與兄石虔攻符堅荊州刺史梁成等
於竟陵明年又與隨郡太守夏侯澄之破符堅將慕容
垂姜成等於漳口復領譙國內史梁郡太守冲薨詔以
石民監荊州軍事西中郎將荊州刺史石民遣將軍晏
謙伐弘農賊東中郎將慕容夔降之始置胡陝二戍獲

關中擔幢伎以充太樂時符堅子丕僭號於河北謀襲
雒陽石民遣將軍馮該討之臨陣斬丕及其左僕射王
孚吏部尚書荀操等傳首京都時乞活黃淮自稱并州
刺史與翟遼共攻長社衆數千人石民復遣南平太守
郭銓松滋太守王遐之擊淮斬之遼走河北以前後功
進左將軍

石民弟石康為振威將軍荊州刺史以討庾仄功封武
陵王

朱序為鷹揚將軍江夏相興寧末梁州刺史司馬勲反
桓溫表序征討都護往討之以功拜征虜將軍封襄
平子

桓宣為南中郎將江夏相石勒荊州刺史郭敬戍襄
陽陶侃使其子平西參軍斌與宣俱攻樊城拔之竟陵
太守李陽又破新野敬懼遁走宣與陽遂平襄陽侃使
宣鎮之後庾亮為荊州將謀北伐以宣為都督沔北前
鋒征討軍事平北將軍司州刺史假節鎮襄陽石季龍

使騎七千渡沔攻之亮遣司馬王愆期輔國將軍毛寶
救宣賊三面為地窟攻城宣募精勇出其不意殺傷數
百人多獲鎧馬賊解圍退走

桓伊為建威將軍督豫州之十二郡揚州之江西五郡
軍事與謝玄共破苻堅別將王鑒張蚝等以功封宣城
縣子又進都督豫州諸軍事西中郎將豫州刺史及苻
堅南寇伊與冠軍將軍謝玄輔國將軍謝琰俱破堅於
淝水以功封永修縣侯進號右軍將軍

謝尚為建威將軍鎮壽春時符堅將楊平成許昌尚遣兵襲破之

謝安尚從弟也為侍中都督揚豫徐兗青州五州幽州之燕國諸軍事假節時符堅強盛疆場多虞諸將敗退相繼安遣弟石及兄子玄等應機征討所在剋捷拜衛將軍開府儀同三司封建昌縣公堅後率眾號百萬次于淮淝京師震恐加安征討大都督指授將帥各當其任玄等既破堅安以總統功進拜太保

安子琰為侍中苻堅之役安以琰有軍國才用出為輔國將軍以精卒八千與從兄玄俱陷陣破堅以勲封望蔡公王恭舉兵假琰節都督前鋒軍事恭平遷衛將軍徐州刺史假節孫恩作亂加督吳興義興二郡州事討恩至義興斬賊許允之迎太守魏郡還郡進討吳興賊丘延破之

謝玄安兄子也為南郡相監北征討軍事于時苻堅彊盛邊境數被侵寇玄以建武將軍兗州刺史領廣陵相監江北諸軍事苻堅遣軍圍襄陽車騎將軍桓沖禦之

詔玄發三州人丁遣彭城内史何謙游軍襄淮以為形
援堅將彭超進軍南侵旬難毛當自襄陽來會超圍幽
州刺史田洛于三阿有衆六萬詔征虜將軍謝石率水
軍次涂中右衛將軍毛安之游擊將軍河間王曇之淮
南太守楊廣宣城内史丘準次堂邑既而盱眙城陷高
密内史毛藻没安之等軍人相驚遂各散退朝廷震動
玄於是自廣陵西討難等何謙解田洛圍進據白馬與
賊大戰破之斬其偽將都督顏因復進兵又破之斬其

偽將邵保超難引退玄率何謙戴逵田洛追之戰於君川復大破之玄參軍劉牢之攻破浮航及白船督護諸葛侃單父令李都又破其運艦難等相率北走僅以身免於是罷彭城下邳二戍詔遣殿中將軍慰勞進號冠軍加領徐州刺史還於廣陵以功封東興縣侯及苻堅自率兵次于項城衆號百萬而涼州之師始達咸陽蜀漢順流幽并繼至先遣苻融慕容暉張蚝苻方等至潁口梁成王先等屯維澗詔以玄為前鋒都督徐兗青三

州揚州之晉陵幽州之燕國諸軍事與叔父征虜將軍石從弟輔國將軍琰西中郎將桓伊龍驤將軍檀玄建威將軍戴熙揚武將軍陶隱等拒之衆凡八萬玄先遣廣陵相劉牢之五千人直至雒澗即斬梁成及成弟雲步騎奔潰爭赴淮水牢之縱兵追之生擒堅僞將梁佗王顯梁悌慕容屈氏等收其軍實堅進屯壽陽列陣臨淝水玄軍不得渡玄使謂苻融曰君遠涉吾境而臨水為陣是不欲速戰諸君稍却令將士得周旋僕與諸君緩

轡而觀之不亦樂乎堅衆皆曰宜阻泚水莫令得上我
衆彼寡勢必萬全堅曰但却軍令得過而我以鐵騎數
十萬向水逼而殺之融亦以為然遂麾使却陣衆因亂
不能止於是玄與琰伊等以精銳八千涉泚水石軍距
張蚝小退玄琰仍進決戰泚水南堅中流矢臨陣斬融
堅衆奔潰自相蹈藉投水死者不可勝計泚水為之不
流餘衆棄甲宵遁聞風聲鶴唳皆以為王師已至草行
露宿重以飢凍死者十七八獲堅乘輿雲母車儀服噐

械軍資珍寶山積牛馬驢騾駝十萬餘玄已破苻堅
復率衆次于彭城遣叅軍劉襲攻堅兗州刺史張崇于
郵城走之使劉牢之守郵城兗州既平遣淮陵太守高
素以三千人向廣固降堅青州刺史苻朗又進伐冀州
遣龍驤將軍劉牢之濟北太守丁匡據碣磬濟陽太守
郭滿據滑臺奮武將軍顏雄渡河立營堅子丕遣將桑
據屯黎陽玄命劉襲夜襲據走之丕惶遽欲降玄許之
丕告饑玄饋丕米二千斛又遣晉陵太守滕恬之渡河

守黎陽三魏皆降以充青司豫平加玄都督徐充青司
冀幽并七州軍事玄上疏以方平河北幽冀宜須總督
司州懸遠應統豫州以勲封康樂縣公復遣寧遠將軍
春演伐申凱于魏郡破之

謝石為尚書僕射征句難以勲封興平縣伯淮淝之役
詔石解僕射以將軍假節征討大都督與兄子玄琰破
苻堅之敗也雖功始劉牢之而成于玄琰然石時實
為都督馬遷中軍將軍尚書令

劉牢之為謝玄前鋒符堅將句難南侵玄率何謙等拒之牢之破難輜重于盱眙獲其運船遷鷹揚將軍廣陵相時車騎將軍桓冲擊襄陽宣城内史胡彬率衆向壽陽以為冲聲援牢之領卒三千為彬後繼淮肥之役符堅遣其弟融及驍將張蚝攻陷壽陽玄使彬與牢之拒之師次硤石不敢進堅將梁成又以二萬人屯碓澗玄遣牢之以精卒五千拒之去賊十里成阻澗列陣牢之率參軍劉襲諸葛求等直進渡水臨陣斬成及其弟雲

又分兵斷其歸津賊步騎奔潰爭赴淮水殺獲萬人又收其器械堅尋亦敗歸長安餘黨所在屯結牢之進平譙城使戴寶戍之遷龍驤將軍彭城內史以功詔賜爵武岡縣男復守淮陰後進戍彭城領太守妖賊劉黎僭尊號于皇丘牢之討滅之符堅將張遇遣兵擊破金鄉圍泰山太守羊邁牢之遣叅軍向欽之擊走之會慕容垂叛將翟釗救遇牢之引還釗還牢之進平泰山追釗于鄆城釗走河北因獲張遇以歸牢之鎮京口孫恩攻

陷會稽牢之遣將桓寶帥師救三吳復遣子敬宣為寶
後繼比至曲阿吳郡內史桓謙已棄郡走牢之乃率眾
東討拜表輒行至吳與衛將軍謝琰擊賊屢勝殺傷甚
眾徑臨浙江進拜前將軍都督吳郡諸軍事時謝琰屯
烏程遣司馬高素助牢之牢之率眾軍濟浙江恩懼逃
于海牢之還鎮恩復入會稽為害謝琰牢之進號鎮北
軍都督會稽五郡率眾東征屯上虞分軍戍諸縣恩復
攻破吳國殺內史袁山松牢之使參軍劉裕討之恩復

入海頃之恩浮海奄至京口戰士十萬樓船千餘牢之在山陰使劉裕自海鹽赴難牢之率大衆而還裕兵不滿千人與賊戰破之恩聞牢之已還京口乃走郁州又為敬宣劉裕等所破及恩死牢之威名轉振

楊佺期少仕軍府咸康中領衆屯城固苻堅將潘猛拒守康回壘佺期擊走之其衆悉降拜廣威將軍河南太守戍雒陽苻堅將竇衝率衆攻平陽太守張元熙于皇天塢佺期擊走之佺期自湖城入潼關累戰皆捷斬獲

千計降九百餘家歸於雒陽進號龍驤將軍

虞丘進少時隨謝玄討苻堅有功封關內侯中從劉裕
征孫恩戍句章城被圍數十日無日不戰身被數鎗至
餘姚阿浦破賊張驃追至海鹽故治及婁縣于滿濤口
與孫恩水戰又被重傷追恩至壽州又至石鹿頭還海
鹽大柱頻戰有功

劉毅為桓弘中兵參軍屬桓玄篡位毅與劉裕何無忌
魏詠之等起義兵討玄裕率毅等至竹里玄使其將皇

甫數吳甫之北拒義軍遇之于江乘臨陣斬甫之進至羅落橋又斬敷首玄大懼使桓謙何澹之屯覆舟山毅等軍至蔣山裕使羸弱登山多張旗幟玄不之測益以危懼謙等士卒多北府人素懼伏裕莫敢出鬪裕與毅等分為數隊進突謙陣皆殊死戰無不一當百時東北風急義軍放火煙塵張天鼓譟之音震駭京邑謙等諸軍一時奔敗玄既西走裕以毅為冠軍將軍青州刺史與何無忌劉道規躡玄毅與道規及下邳太守孟懷玉

等追及玄戰于崢嶸州毅乘風縱火盡銳爭先玄衆大潰燒輜重夜走玄將郭銓劉雅等襲陷尋陽毅遣武威將軍劉懷肅討平之毅復與劉道規追桓玄至尋陽桓亮自號江州刺史毅遣劉敬宣擊走之毅軍次夏口桓振黨馮該戍大岸孟山圍據魯城桓山客守偃月壘衆合萬人連艦二岸水陸相援毅督衆軍進討未至夏口遇風飄没千餘人毅與劉懷肅索邈等攻魯城道規攻偃月壘何無忌與檀祗列艦于中流以防越逸毅躬貫

甲冑陵城半日而二壘俱潰生擒山客而馮該遁走毅
進平巴陵南陽太守魯宗之起義襲襄陽破桓蔚毅等
諸軍次江陵之馬頭桓振擁乘輿出營江津宗之又破
偽將溫楷振自擊宗之毅因率無忌道規等諸軍破馮
該於豫章口推鋒而進遂入江陵振聞城陷與謙北走
乘輿反正毅執玄黨卞範之羊僧壽夏侯崇之桓道恭
等皆斬之桓振復與苻宏自郢城襲陷江陵與劉懷肅
相持毅遣部將擊振殺之并斬偽輔國將軍桓珍毅又

攻拔遷陵斬玄太守劉叔祖於臨嶂其餘擁衆假號以
十數皆討平之二州既平以毅為撫軍將軍時刁豫等
作亂屯於湘中毅遣將分討皆滅之詔以毅為都督豫
州揚州諸軍事梁州刺史劉雅反毅遣將討擒之

諸葛長民劉裕建義初為揚武將軍從討桓玄以功拜
輔國將軍宣城内史於時桓歆聚衆向歷陽長民擊走
之又與劉敬宣破歆於芍陂封新淦縣公督淮北諸軍
事鎮山陽城義熙初慕容超寇下邳長民遣部將徐琰

擊走之

何無忌為輔國將軍瑯邪內史以會稽王道子所部精兵悉配之南追桓玄與振武將軍劉道規俱受冠軍將軍劉毅節度玄留其龍驤將軍何澹之前將軍郭銓江州刺史郭昶之守湓口無忌等次桑落州道規乘勝徑進無忌又鼓譟赴之澹之遂潰進據尋陽遣使奉送宗廟主及護武康公主瑯邪王妃還京都又與劉毅劉道規破走桓玄于崢嶸州無忌進據巴陵玄從兄謙從子

振乘間陷江陵無忌道規進攻謙於馬頭攻桓蔚於龍泉皆破之既而為桓振所敗退還尋陽無忌與毅道規復進討振尅夏口三城遂平巴陵進次馬頭桓謙請割荆江二州奉送天子無忌不許進軍破江陵謙等敗走無忌侍衛安帝還京師復以興復之功封安城郡開國公

冊府元龜卷三百五十